



Broj:
Maglaj:

PRIJEDLOG

Na osnovu člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 18. Statuta Općine Maglaj-prečišćen tekst ("Službene novine Općine Maglaj", br. 8/07, 3/08 i 6/08), a u vezi sa članom 332. i 334. Zakona o privrednim društvima ("Službene novine Federacije BiH", br. 81/15 i 75/21), članom 50. Statuta Regionalne ekonomske zajednice "REZ" d.o.o. Zenica, od 17.05.2023. godine, te članom 33. Ugovora o osnivanju Društva sa ograničenom odgovornošću "REZ" d.o.o. Zenica, broj: 01-1/04 od 24.02.2003. godine, Općinsko vijeće Maglaj na ___ redovnoj sjednici, održanoj _____ godine, donosi

O D L U K U

o istupanju Općine Maglaj iz članstva Regionalne ekonomske zajednice "REZ" d.o.o. Zenica

Član 1.

Općina Maglaj istupa iz članstva Regionalne ekonomske zajednice "REZ" d.o.o. Zenica.

Član 2.

Ovlašćuje se Općinski načelnik da poduzme sve potrebne aktivnosti u vezi istupanja Općine Maglaj iz članstva Regionalne ekonomske zajednice "REZ" d.o.o. Zenica.

Član 3.

Ova Odluka stupa na snagu danom donošenja i ima se objaviti u "Službenim novinama Općine Maglaj".

DOSTAVLJENO:

- Služba za privredu, finansije/financije i razvoj poduzetništva
- Regionalna ekonomska zajednica "REZ" d.o.o. Zenica
- a/a

PREDSJEDAVAJUĆA

Aida Bašić

OBRAZLOŽENJE

PRAVNI OSNOV

Članom 8. Zakona o principima lokalne samouprave u Federaciji Bosne i Hercegovine (“Službene novine Federacije BiH”, br. 49/06 i 51/09) propisano je da Jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona.

Ona će biti samostalna u odlučivanju o pitanjima iz vlastitih nadležnosti, koje ne mogu biti ograničene ili uskraćene od federalnih ili kantonalnih vlasti, osim u slučajevima i u okvirima utvrđenim ustavom i zakonom.

Članom 13. Zakona o principima lokalne samouprave u Federaciji Bosne i Hercegovine propisano je da je organ odlučivanja jedinice lokalne samouprave općinsko vijeće u općini, a gradsko vijeće u gradu.

Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da je Općinsko vijeće nadležno da donosi odluke, rješenja, propise i opće akte.

Članom 332. Zakona o privrednim društvima (“Službene novine Federacije BiH”, br. 81/15 i 75/21) propisano je da se ugovorom ili statutom utvrđuju uvjeti, postupak i posljedice istupanja iz društva. Član društva ima pravo tužbom kod suda tražiti istupanje iz društva, ako su mu ostali članovi ili organi društva prouzrokovali štetu ili je spriječen ispunjavati svoje obaveze ili mu društvo nameće nesrazmjerne obaveze.

Članom 334. Zakona o privrednim društvima propisano je da istupanjem i isključenjem iz članstva u društvu prestaju prava koja iz tog članstva proizlaze.

Član koji je istupio i član koji je isključen ima pravo na nadoknadu tržišne vrijednosti udjela na dan prestanka članstva.

Ako je ulog člana bio u obliku prava korištenja određene stvari, ona će se vratiti članu po isteku roka određenog ugovorom ili statutom koji ne može biti duži od tri mjeseca.

Po isteku roka iz stava (3) ovog člana društvo ima pravo koristiti stvar dok bivši član ne ispuni obaveze prema društvu.

Članom 50. Statuta Regionalne ekonomske zajednice “REZ” d.o.o. Zenica propisano je da članstvo u Društvu prestaje gubitkom svojstva člana na Zakonom utvrđen način.

Članstvo prestaje isključenjem ili istupanjem u skladu sa Zakonom i ovim Statutom, kao i u slučaju kada član svoj udio u cjelini prenese na treće lice.

Član koji je istupio ili je isključen ima pravo na naknadu tržišne vrijednosti udjela na dan prestanka članstva.

Ako isključeni član ima obaveza prema Društvu ili Društvo polaže pravo na naknadu štete koju mu je prouzrokovao, isplata udjela umanjit će se za odgovarajuće iznose.

Članom 33. Ugovora o osnivanju Društva sa ograničenom odgovornošću “REZ” d.o.o. Zenica, broj: 01-1/04 od 24.02.2003. godine propisano je da članstvo u društvu prestaje istupanjem ili isključenjem. Svaki od osnivača ima pravo da istupi iz Društva, s tim da je izjavu o istupanju u pismenom obliku dužan da dostavi drugom osnivaču, odnosno ostalim članovima Društva, ukoliko su Društvu pristupila i druga lica. Smatra se da je član Društva istupio iz Društva kada je po uručenju izjave o istupanju svim ostalim članovima društva izvršena dioba – diobni bilans prava, sredstava i obaveza uključujući svu imovinu Društva, u roku od 30 dana.

RAZLOZI ZA DONOŠENJE

Općinsko vijeće Maglaj je na sjednici održanoj 30.12.2003. godine donijelo Odluku o pristupanju Općine Maglaj u Razvojno Ekonomsku Zajednicu-REZ d.o.o. Zenica, broj: 02-05-1768/03.

Navedenom Odlukom dato je ovlaštenje Općinskom načelniku da u ime Općine Maglaj potpiše Ugovor o osnivanju REZ d.o.o. sa sjedištem u Zenici. Ugovorom o osnivanju i Statutom Društva, pored ostalog, definisana su prava i obaveze Općine Maglaj, kao člana i suosnivača Društva.

Stav Općine Maglaj je da REZ nije postigla očekivane rezultate unapređenja ekonomskog razvoja općine Maglaj, od dana njenog osnivanja do danas, a posebno kroz podršku u korištenju fondova za ekonomski razvoj i pružanje podrške razvoju malih i srednjih preduzeća, osiguravanju novih radnih mjesta itd, što i jeste primarni cilj njenog osnivanja.

S tim u vezi, predlažemo usvajanje Odluke o istupanju Općine Maglaj iz članstva Regionalne ekonomske zajednice "REZ" d.o.o. Zenica.

OBRADIVAČ:

Služba za privredu, finansije/financije
i razvoj poduzetništva



PREDLAGAČ
OPĆINSKI NAČELNIK

Mirsad Mahmutagić





IZVJEŠTAJ
o aktivnostima REZ agencije na općini Maglaj za period 2003. – 2023.
godina”

IZRADILA:
Služba za privredu, finansije/finansije
i razvoj poduzetništva

Maglaj, novembar 2023. godine

UVOD

REZ je Regionalna razvojna agencija koja djeluje u regiji Centralna Bosna i Hercegovina.

Osnovana je u maju 2004. godine, a kao platforma za osnivanje Agencije bilo je partnerstvo vladinih i nevladinih institucija, odnosno potpisani Ugovor o osnivanju Društva sa ograničenom odgovornošću "REZ" d.o.o. Zenica, broj: 01-1/04 od 24.02.2003. godine.

Osnivači "REZ" d.o.o. Zenica su bili:

- 2 kantona (Zeničko-dobojski i Srednjobosanski)
- 15 općina iz Federacije BiH (Zenica, Kakanj, Žepče, Zavidovići, Maglaj, Tešanj, Doboj-Jug, Usora, Travnik, Busovaća, Vitez, Novi Travnik, Donji Vakuf, Bugojno, Gornji Vakuf – Uskoplje),
- 1 općina iz RS-a (Teslić)
- 16 poslovnih udruženja (Zenica, Kakanj, Žepče, Zavidovići, Maglaj, Tešanj, Doboj-Jug, Usora, Travnik, Busovaća, Vitez, Novi Travnik, Donji Vakuf, Bugojno, Gornji Vakuf – Uskoplje i Teslić),
- 1 međunarodna organizacija (američka međunarodna organizacija CHF International), i
- 1 mikrokreditna organizacija (mikrokreditna organizacija LIDER).

Organ upravljanja REZ Agencije su:

- Direktor REZ Agencije Ismet Sarajlić.
- Skupština REZ Agencije ukupno broji 34 člana:
 - Gradonačelnici/Načelnici gradova/općina,
 - premijeri ZE-DO i Srednjo-bosanskog kantona,
 - predsjednici upravnih odbora udruženja poslodavaca, i
 - direktori organizacija su predstavnici osnivača REZ Agencije.
- Nadzorni odbor REZ Agencije broji pet članova, članovi Nadzornog odbora su:
 - Džeraldina Miličević, predsjednik Zavidovići
 - Mujo Čejvan, član Travnik
 - Biljana Skopljaković, član Novi Travnik
 - Đenana Čolaković, član Zenica
 - Džavid Sejfović, član Sarajevo
- Ured REZ Agencije nalazi se u Zenici, geografskom centru regije, na adresi:
ulica Štrosmajerova broj 11, 72000 Zenica.

U period registracije u geografskom smislu, REZ Agencija pokrivala je 10,34% teritorija BiH na kojem živi oko 600.000 stanovnika.

Krajnji cilj registracije REZ Agencije bila je transformacija ekonomske regije Centralna BiH u modernu europsku regiju, kao što to riječi vizije jasno naglašavaju "Regija Centralna BiH – moderna europska regija".

Misija je bila - Poboljšati kapacitete svih interesnih skupina u nastojanju da se poboljšaju ekonomske performanse regije Centralna BiH kroz podršku u korištenju fondova za ekonomski

razvoj i pružanje podrške razvoju malih i srednjih preduzeća u cilju jačanja konkurentnosti regije i osiguravanja otvaranja novih radnih mjesta.

Uz svoje osnivače i partnere, od 2004. godine REZ Agencija je bila zamišljena kao jedan od sudionika regionalnog razvoja, koji bi se temeljio na principima procesa integracije Bosne i Hercegovine na putu ka punopravnom članstvu u Europskoj uniji.

OSNOVNI PRINCIPI RADA

Čitava ideja registracije REZ Agencije zasnivala se na regionalnom procesu u BiH, i nastala je u okviru projekta EURED – „Podrška Europske unije regionalnom ekonomskom razvoju“ u periodu mart 2003 – oktobar 2005. godine.

Kao rezultat osnovano je 5 (pet) agencija sa ciljem da rade na ispunjenju svojih zadataka, a to je jačanje ekonomije svojih regija, i to:

- REZ – obuhvata ekonomsku regiju Centralna BiH sa sjedištem u Zenici;
- SERDA – obuhvata Sarajevsku makroregiju sa sjedištem u Sarajevu;
- REDAH – obuhvata ekonomsku regiju Hercegovina sa sjedištem u Mostaru;
- ARDA – obuhvata ekonomsku regiju Sjeverozapadna BiH sa sjedištem u Banja Luci;
- NERDA – obuhvata ekonomsku regiju Sjeveroistočna BiH sa sjedištem u Tuzli.

I pored dijela realizovanih aktivnosti na području općine Maglaj, osnovni princip REZ Agencije u Regiji centralna BiH u dosadašnjem periodu nije postignut, odnosno nije u okviru očekivanih rezultata, a što se odnosi na pružanje usluga i podrške lokalnoj zajednici u prilagođavanju stvarnih potreba razvoja, realizacije konkretnih projekata, primjeni i transferu znanja i iskustava, saradnje sa institucijama i stručnjacima, sinergije i provođenja najboljih praksi kroz oblasti:

- Strateško planiranje
- Jačanje kapaciteta lokalnih aktera
- Jačanje konkurentnosti regiona
- Ljudski resursi i zapošljavanje
- Međuregionalna suradnja

Zbog realnih potreba Vlada Ze-do kantona 2004. godine oformila je Biznis servis centar Vlade Ze-do kantona koji se kasnije 2014. godine transformisao u Stručnu službu za razvoj i međunarodne projekte, sa zadatkom prikupljanja informacija, uspostavljanja mreže kontakata sa internacionalnim organizacijama radi saradnje i prikupljanja informacija, analiza upita inostranih preduzeća, razvoj drugih projekata za podsticanje privrede u dogovoru sa Vladom Kantona i slično.

AKTIVNOSTI REZ AGENCIJE

Planirane aktivnosti REZ Agencije:

- Aktivnosti koje se odnose na identificirane potrebe općina, gdje prevladava potreba za daljnjom izgradnjom kapaciteta za razvoj projekata, apsorpciju fondova, promociju i razvoj poslovne infrastrukture, te
- Potpora razvoju malih i srednjih preduzeća kroz pružanje konsultantskih usluga, uspostavljanje poslovnih veza, podršku izvozu i ulaganjima, kao i promociju.

Pregled dijela aktivnosti REZ Agencije koje se odnose na općinu Maglaj:

Godina	Aktivnost	Korisnici	REZ Agencija	Napomena
2005	Projekt "Afirmacija samozapošljavanja u poljoprivredi kroz savjetodavnu pomoć i tržišno uvezivanje u općinama: Žepče, Zavidovići, Maglaj i Doboj Jug, Partner Udruženje poljoprivrednika "Jedinstvo" Bočinja, Maglaj	Za 12 korisnika iz općine Maglaj obezbijeden platenik 100m ² , sa pripadajućom, sadnim materijalom za tri ciklusa proizvodnje i zaštitinim sredstvima, opremom, edukacijom i priručnicima za plateničku proizvodnju.	REZ obezbijedio sredstva za projekat	<i>Projekt "Afirmacija samo-zapošljavanja u poljoprivredi kroz savjetodavnu pomoć i tržišno uvezivanje", finansiranog od EC delegacije u općinama: Žepče, Zavidovići, Maglaj i Doboj Jug, kreirano 50 radnih mjesta kroz podršku plateničkoj proizvodnji.</i>
2005	Uspostavljena kancelarija REZ Agencije za podršku MSP kroz poslovno savjetovanje u Maglaju	Mikro, mala i srednja preduzeća	REZ Agencija Sredstva obezbijedena projektima u periodu 2005-2011. godina	<i>Poslovno odjel REZ Agencije "IDEA Business Unit" unaprijedio dostupnost usluga vezanih za poslovno savjetovanje, poslovni savjetnici REZ Agencije raspoređeni na podregije: Zenica, Maglaj, Bugojno i Travnik</i>
2006	Obuka „Logički okvir u izradi budžeta“ u organizaciji REZ Agencije za općinske razvojne timove općina Zavidovići, Žepče, Maglaj i Zenica 21.06.2006	Općinski razvojni tim	REZ Agencija	
2006	Obuka „Izrada prijedloga projekata prema pravilima Delegacije Evropske komisije u BiH“ u organizaciji REZ Agencije za općinske razvojne timove općina Zavidovići, Žepče, Maglaj i Zenica. 20.06.2006	Općinski razvojni tim	REZ Agencija	
2006	„PDV u poljoprivredi“ u organizaciji USAID Lamp i REZ Agencije za udruženja poljoprivrednika iz općina Zavidovići, Žepče, Doboj Jug i Maglaj 07.02.2006.	Udruženja poljoprivrednika	REZ Agencija	

2006	„Promocija i komunikacija“ u organizaciji REZ Agencije za udruženja poljoprivrednika iz općina Zavidovići, Žepče, Doboj Jug i Maglaj. 31.01.2006	Udruženja poljoprivrednika	REZ Agencija	
2007	Studija opravdanosti uspostavljanja industrijskih zona u općinama regije Centralna BiH"	16 općina ekonomske regije Centralna BiH		Sve općine
2007	Podrška izvozu firmama (promocija, izrada promotivnih profila, nastupi na sajmovima uvezivanje sa partnerima) Poslovni kurs engleskog za firme	Firme: Primus, CGV-Metali Partner Lets Talk	Troškovi obezbijedeni projektom	Projekat REXIS i projekat COMETS obezbijedila REZ Agencija Projekat Comets
2009	U periodu od 18 - 20.03. 2009. godine u općini Maglaj REZ agencija u saradnji sa OSCE-om i Birom za zapošljavanje u Maglaju organizirala trodnevni seminar iz izrade poslovnog plana.	Nezaposleni na evidenciji Biroa za zapošljavanje u Maglaju.		
2011	STARTER Projekat podrške pokretanju biznisa Projekat u saradnji sa Norveškom ambasdom u 5 općina	Nezaposleni na evidenciji Biroa za zapošljavanje u Maglaju.		
2013	Projekt "Past for the Future": Rekonstrukcija Delibegovog hana, Obuka iz Bed & Breakfast (Noćenje s doručkom), podgrantovi za projekte NVO, četverojezična brošura "Turistička ponuda općine Maglaj"	Općina Maglaj, 20 domaćinstava, 6 NVO	87.850 KM u infrastrukturu	Ukupna vrijednost 585.673,29 KM Sufinansiranje Općine cca.53.000 KM
2015-2016	Program prekvalifikacije radne snage u firmama Zeničko-dobojskog kantona u saradnji sa Federalni zavod za zapošljavanje, općina Maglaj, Vlada ZDK i USAID Gold projekat	Općina, HM Promet d.o.o; EXCEL Assemblies d.o.o		

REZIME

U posljednjih 7 - 8 godina, tačnije od 2016. godine je primjetno da je REZ Agencija imala veoma malo značajnijih aktivnosti na području općina u ekonomskoj regiji Centralna BiH, i konkretno na području naše općine.

I pored određenih aktivnosti i zajedničkog apliciranja na dostupne EU projekte nije bilo konkretne realizacije na području naše općine.

U tom smislu Općina Maglaj je najveći broj aktivnosti koje se odnose na strateško planiranje, jačanje kapaciteta lokalnih aktera, jačanja konkurentnosti općine, razvoju ljudskih resursa i zapošljavanja i obezbijedenje eksternih finansijskih sredstava, realizovala samostalno odnosno u saradnji sa drugim međunarodnim organizacijama.

Naglašavamo da su iz sličnih razloga, određeni broj općina već izašao iz REZ Agencije, i donio Odluke o istupanju iz članstva Regionalne ekonomske zajednice "REZ" d.o.o. Zenica, i to općine:

- Kakanj, Tešanj i Usora već donijele Odluke da se isključe iz ove Agencije, dok je
- Općina Zavidovići u 2022. godini pokrenula isti postupak.

Općina Maglaj u periodu od 2009. do 2016. godine uplatila je na račun REZ Agencije iznos od 30.800,00 KM.

Zbog svega naprijed navedenog i trenda isključenja ostalih općina Ze-do kantona iz REZ Agencije, a u nadi da će to postaknuti formiranje učinkovitije agencije u narednom periodu, predlažemo Općinskom vijeću Maglaj donošenje Odluke o istupanju Općine Maglaj iz članstva Regionalne ekonomske zajednice "REZ" d.o.o. Zenica.

OBRADIVAČ:

Služba za privredu, finansije/financije
i razvoj poduzetništva



PREDLAGAČ
OPĆINSKI NAČELNIK

Mirsad Mahmutagić